

Sonrisa a inicia su siman di sonrisa

ORANJESTAD – Awe dia 1 di juli ta inicia e eventonan di fundacion Sonrisa cu yama siman feliz. E actividadnan aki lo finalisa dia 6 di juli un recorrido riba motorcycle bou cooperacion cu e organisacion di HOG Aruba, e recorido ta costa 35 florin y tur grupo di “motorcycle” por participa pa recauda fondo pa Sonrisa.

Natasha Bernabela ta coordinador di actividadnan di Sonrisa el a conta cu e “happy week” ta cuminsa awe dia 1 di juli 2014 y ta bay tin dia publico na Pavia 19-B aki nan unda tur hende por pasa entre 7or cu 9or di anochi pa cera conoci cu Sonrisa, e actividadnan cu Sonrisa ta ofrece e metanan y vision.

Actividad siman alegre
Ariba diaranson dia 2 di juli lo tin dia publico na fundacion Trampolin e edificio ta situa banda di Sonrisa. Na mesun orario di 7or pa 9or di anochi lo tin e oportunidad pa por pasa y cera conoci un biaha mas cu e proyecto aki. Diahuebs dia 3 di juli lo tin un tayer comunicacion positivo combina cu regla y limitacion cu lo wordo duna door di Tienda Di Educacion



esaki ta tuma luga na sonrisa di 7or pa 9or. di anochi un biaha mas. Diabierna dia 4 lo tin inscripcion pa un recorrido cu motorcycle na The Ranch, esaki ta cuminsa 7or pa 12'or di anochi y lo tin entretenimiento live cu e banda Perfect Sound. Diasabra dia 5 di juli lo tin desayuno na Sonrisa esaki ta cuminsa 9or pa 11or di mainta y finalisando e siman feliz lo tin un feria diadomingo riba e tereno di Grupo Scout Aruba cu ta cuminsa 10or di mainta y ta bay te cu 5or di atardi. Durante e dia aki ta bay tin cushina y bar bon surti lo tin skina pa

mucha cu dino jump grabelton y mas actividad pa e muchanan. Dia 6 di juli lo tin un recorrido riba motorcycle cu ta wordo organisa cu ayudo di HOG pa asina clausura e siman feliz, sra. Bernabela a splica.

Black HOG bike ride

Sr. Clyde Burke ta Assistant Director di HOG Aruba cual ta e organisacion pa e doñonan di Harley Davidson na Aruba. “Nos a wordo acerca pa e grupo di Sonrisa cu nan tin un actividad pa lanta fondo anto manera nos a wordo acerca nos a bisa nos lo yuda na mesun instante paso esaki ta un bon organisacion cu ta haci cosnan hopi bon pa e pueblo”.

Nos ta informa tur hende cu tin un brommer no necesariamente Harley pa participa na e ride dia 6 di juli, prome cu e ride tin inscripcion esaki tambe ta combina cu un happy hour cu e banda Perfect Sound cu lo anima e anochi. E ride ta costa ta 35 florin cu ta inclui algo di bebe, algo di come y tambe participa na e sorteo pa gana un celu-

lar di parti di Digicel. E ride ta cuminsa 11or na Tienda Geerman na Tanki Leendert, for di eynan ta sali 12or



di merdia riba un ruta cu ta keda sorpresa pa aworaki, segun sr. Burke. “E careda ta finalisa na e bunita parke cu sonrisa ta trahando ariba dje unda lo ricibi e coy come y coy bebe”. No tin limitacion pa e cantidad di brommer cu mag di participa den e ride, tur “motor club” mag di participa na e ride como cu esaki ta algo bon pa Sonrisa, te hasta a combina cu no tin wegá di Fifa diadomingo asina tur hende por sali y pasa un rato dushi alabes yuda un bon causa, sr. Burke a bisa.

Grupo Scouting Sonrisa ta traha tambe cu e muchanan special y sr Tomas Tromp di e grupo ta bisa cu e ta trahando cu alma y curpa pa un bunita parke pa nan.

Diaranson lo tin un apertura adelanta di e parke como cu no por warda pa mustra e directiva di scouting y e comite nacional e luga, como cu ya ta acercando nan vacacion y lo por tin uzo pa e parke caba, y si nan no mira e parke nan no conoce. Pa e motibo aki a invita diaranson awo e hendenan cu a traha riba e parke tambe na e ocasion. “E parke lo ta habri aunke cu e no ta completo ainda a traha baño caba y ta haci tur posibel pa e miembronan di scouting por haci bon uzo di esaki.

E proyecto ta bunita segun sr. Tromp e ta costa hopi placa pero te ainda ta bayendo bon. E bario tambe por haci uzo di e parke aki den futuro pero semper bou di e supervision y regla cu lo wordo stipula ora finalisa e proyecto. Pa mantene e parke lo cobra esunnan cu kier huur esaki y e placa lo bay pa un contribucion na Sonrisa. Lo haci por ehempel propaganda pa famia cu kier haci un fiesta pa su yiu na e localidad e placa lo bay pa sonrisa y porta scouting ta kita un parti di dje. sr. Tromp a bisa cu nan kier sonrisa sigui existi y scouting t'ey pa traha pa Sonrisa. □

Contribucion Grupo Scouting

